

बाबा मन्नै करया चालीसा तेरा,
खेत के कोठड़े प डेरा,
हो तेरा भजन करुं दिन रात,
मन्नै दर्शन दे बालाजी ॥

तन प बांधया लाल लंगोटा,
चालीस दिन धरती में लोटया,
हो नियम तं करी खुभात,
मन्नै दर्शन दे बालाजी,
हो तेरा भजन करुं दिन रात,
मन्नै दर्शन दे बालाजी ॥

ना कदे खाया अन्न का दाणा,
खटक लगी तेरा दर्शन पाणा,
तुम तो रहो भक्त के साथ,
मन्नै दर्शन दे बालाजी,
हो तेरा भजन करुं दिन रात,
मन्नै दर्शन दे बालाजी ॥

निश दिन जपी राम की माला,
मन में हरदम घाटे आला,
सयामी हुई नहीं मुलाकात,
मन्नै दर्शन दे बालाजी,
हो तेरा भजन करुं दिन रात,

मन्नै दर्शन दे बालाजी ॥

यो अशोक भक्त स पक्का,
जीवन में लागया एक धक्का,
हो ना हुई तेरे त बात,
मन्नै दर्शन दे बालाजी,
हो तेरा भजन करुं दिन रात,
मन्नै दर्शन दे बालाजी ॥

बाबा मन्नै करया चालीसा तेरा,
खेत के कोठड़े प डेरा,
हो तेरा भजन करुं दिन रात,
मन्नै दर्शन दे बालाजी ॥

गायक नरेंद्र कौशिक जी ।
प्रेषक राकेश कुमार खरक जाटान(रोहतक)
9992976579

Source:

<https://www.bharattemples.com/baba-manne-karya-chalisa-tera-balaji-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>